

名媛詩話

名媛詩話卷三

錢塘沈善寶湘佩著 受業曾稽宗 康校字

山東德州宋素梅乾隆十六年 聖駕南巡素梅年

甫十二迎 鑾獻詩云海晏河清代 堯天舜日時

不辭川路遠肯慰士民思紫氣欽 皇輦黃雲護

聖騎迎 鑾來獻頌萬壽浩無涯應 詔作云山左

羣情切江南望幸頻 九重深保大五載舉時巡浩

蕩韶光麗葱龍物色新彩雲晴有象瑞靄靜無塵淑

氣迎仙仗祥風繞 御輪衢歌擊壤徧共祝萬年春

惲珍甫太夫人云從古帝王巡幸多士獻詩向已侈
陳盛典逮我高宗純皇帝恭奉孝聖太后駕幸
山東山西河南江蘇浙江等省孝養優隆超邁往代
素梅以綺歲女童拜進詩冊尤爲千古奇聞設非應
運而生何以得此誠哉是言

桐城方仲賢

維儀

諸生姚孫聚室有楚江吟歸來歎

清芬閣集工白描大士年十八守節八十四而終旅
夜聞寇云蟋蟀吟秋戶涼風起暮山衰年逢世亂故
國幾時還盜賊侵南甸軍書下北關生民塗炭盡積

血染刀鏃蒲田方少君

琬

性極孝避亂舟中寄弟云

野樹鳴蟬咽未休
蓼花蘋葉晚來秋
干戈滿眼驚殘夢
風雨傷心逐去舟
喪亂相依吾弟在
艱危無奈老親憂
更憐荷草青青塚
寒食新烟望裏收
二人詩旨一何相似
按仲賢姊名孟式字如曜從夫殉難亦工詩
妹名維則字季準有茂松閣集與仲賢俱早寡年亦八十餘白首往來商量文學編輯古今宮闈詩史分邪正二集

濡須許儼瓊

燕珍

有詩餘小草古風近體無不佳妙

題長江萬里圖云畫圖披拂誰執筆雲濤寫作長江

色放眼寥濶天宇高包籠泓量河汨汨岷山之源導

百川青衣汶洛涪漢連白澧沅湘沔水合潯陽九派

波滔天

黃氏今水經注資江亦名中江源出汶山自洛口分支入簡州資縣界

六川四

瀆同宗海納龜吐貝無不采衆流總括坤靈首波句

孰見桑田改忽爾鼓怒烟霧橫崩沛瀉汗馮夷驚有

時歛艷爭如沐波光一鑑輕舟行名牽利涉自今古

飛檣矗矗誰能數荒汀隻嶼人跡稀老樹槎枒白雲

止我聞宗慤乘長風子安曾借神帆通仙查便可傍

半斗揮撈直去滄溟東倚樓懷蔚亭夫子云伊人遠
別去日日凭高樓布帆望斷江邊舟欲語不語春
愁東風陣陣吹簾鉤佳句蝴蝶云東風金谷夢細雨
玉鉤魂識丹亭云潮聲朝夕長山色古今青七言
酒云歌催綺席月初上花撲玉缸香正濃雨窗書
云事都過去心纔悔情到忘時意早疑閒雁云酒醒
孤館三更夢燈暗重門五夜霜儼瓊有松窗詞草詠
謝道韞鳳棲梧云羣從清新誇謝氏林下風高暑
饒幽致五字珠璣傳柳絮瓊闌千古誰爲繼儼有一

言聊爾戲何事主郎不洽佳人意若使多才生此際
畫眉更少王郎輩後半闕語近於謔令人失笑儼瓊
號靜舍知縣其卓女諸生汪人鎮室十二歲作鸚鵡
賦爲時傳誦

澧州雷半吟

玉映

戲詠掃晴娘云叢竹斑斑江上村

頻傾玉女洗頭盆欲將娘子忘憂帚掃盡瀟湘古淚
痕東莞熊璠月闌情云歡愁不定意遲遲別有幽情
綠水湄玉手折來堤上柳結成如意寄相思吾鄉陸
么鳳秋闈云湖烟漠漠晚歸鴉自掃楓香坐煮茶

帶芙蓉寒映水不知秋思屬兒家吾鄉陸竹雲筠春

日感懷云屈曲園亭半種花依山傍水幾枝斜春來

相對應相賞我憶天涯客憶家常熟時宜幽姍夏閨

云清涼無暑扇輕紗小汎扁舟岸影斜蓮浦風來香

夢淺月明涼醒一池花歸安汪蘭雪韞玉春晝云春

晝陰陰繡幰拈鵲鵲聲裡雨廉纖多愁怕見東風西

一任花飛不捲簾昭文鮑尊古印春閨云玉鏡初開

卷繡簾紅襟燕子影纖纖春風碎剪樓頭柳葉與娥

眉一樣尖琴川席養卿田秋雨云涼風瑟瑟白雲飛

向晚憑闌暑氣微忽聽梧桐有疎響飄來雨點濕羅
衣江都劉淑秀詠眉云鏡裏春山兩點青由來不許
俗愁侵每逢花落春歸後宛轉閒擲不自禁吳縣范
栢年齡山樓晚眺云幾家茅屋疎林外一徑幽花落
日閒野老不知身入畫踏殘黃葉下秋山妹恕成德
晚步小圃云遙峯翠潤初消雪綺陌烟塵半入雲月
在梅梢風在柳可憐春色已三分吳江吳墨素斐華
秋閨云庭梧葉落氣蕭森砧杵千家碎月明何處小
樓人不寐孤燈相對聽秋聲荆溪薛浣香娟得兄揚

州手書云韶光淡沲柳依依社後寒輕燕子飛十里

珠簾隋苑路杏花如雪糝征衣金匱丁采芝

芝潤秋

月云碧天清影上東樓獨起離鄉百種愁籬畔蛩聲

簾外月髣髴添上一痕秋晉陵毛紐巷

秋佩

寄外云

空庭冷月挂清輝風捲殘花繡地衣杜宇催歸歸未

得江南江北燕雙飛如皋冒蕪婉

德娟

夏日云芭蕉

深綠映疎窗高柳鳴蟬晝景長悶捲珠簾看日影鶯

鶯相並立池塘此十六章清詞絡繹故併錄之

香山陳仁嬌自効絕粒身輕如羽有詠桂蘭七律云

不沾凡土謝栽培九畹名登却草萊劍葉能驅清露
去靈根偏逐好風來久無湘女江邊夢幸有東君天
半材讀罷離騷翹首玩幽香冉冉下瑤臺按挂蘭卽
風蘭產於滇粵山中不須土培用籃筐挂於風中花
葉卽繁予在里時有赴滇回者曾攜兩籃見餉懸於
簷下夏間花放如九節蘭惟不甚香耳

常熟許玉仙在璞號冰壺老人陸叙臣室有小丁卯

集廻文梅花百律茹茶百詠冰壺工文善弈守志六
十年以苦節稱族孫女陸姒賢爲梓其集冬日雜感

云由他世路似羊腸秉性生成百鍊鋼修竹受霜能
抱節東梅經雪尚含香窗前刺繡嫌時短燈下敲詩
蠹漏長自笑閨中徒好學末由功業振高陽

蘭陵董節母吳文璧

永和

董玉蒼室有苔窗拾稿不

特詩佳而賦亦古雅惜不多見五律最高苔窗夜坐
贈外子玉蒼云不惜黃金盡何妨白眼看但留吾道
在且遣百憂寬雨過茶烟濕風多竹影寒微吟聊慰
藉殘月上闌干感懷云有姊湖邊住相望又一秋憂
勞兒女計辛苦柏梁謀靜裏攜書卷閒中檢酒籌孤

村三十里烟水隔扁舟佳句如疎雨兼花落歸雲雜
鳥飛山居云路侵松葉暗徑長藥苗肥贈莊表姊云
論文春酒綠對弈夜燈紅雨後云亂水衝籬過斜陽
隔樹懸七言如秋夜云花氣衝簾深院靜松陰覆榻
小窗幽語外云風外鳥啼移晚竹雨中客至剪春蔬
遣興云累少底須需富貴病多終計學神仙漫興云
前溪水漲生魚子昨夜風多近棟花詠柳云藏船曉
岸村村雨落剪春衣葉葉風同莊表姊池上納涼云
瓜盤遙借玫瑰色茗椀平分橄欖香

震澤沈曉亭

蕭玉

貢生倪學涵室有聊一軒詩存曉

亭性至孝姑亡欲殉不得遂遭心疾明年母卒竟以
哀痛死讀其自箴四章知其情性端淑也詩云天生
烝民有覺其性陰陽肇判含元達順琴瑟載詠蘋蘩
攸司夙夜用敬猶懼或虧無曰深閨莫余云觀淑慝
在躬指視暗室維椒與蘭植於中田我思君子淑慎
塞淵又云先民有言言不出閫牝雞司晨厥家用損
節以應佩琴以和神辭或苟發甯默而存勿尙爾舌
寸心是弛旣悔而追不脛千里嗟嗟愚庸慎其德音

鸚鵡多言祇名文禽又云紵繡在笥煥乎有爛淒其
以風滋我永歎維織與紵爲坊厥心舍業而嬉淫慝
相尋野有絡緯振迅其翼爾安用媮微羽所疾雖有
孔翠不如春蠶之子纂組不如布繅又云冀妻如賓
孟光舉案夫豈矯情媮惰斯遠啼眉折腰邦國之妖
彼昏罔知反以用驕幽閒貞靜曰配君子載色載笑
若佐之史敬而能和穆如清風修身準此維以令終
廣東陽山李氏貢生王騶室拔貢安福母著有一桂
軒詩鈔氏孝事翁姑詳載縣志書法遒潤詩格樸老

不輕示人。卒後子安福哀集授梓集中如婦誠訓婢
諸作皆可爲閨中格言。今并錄之。婦誠云出嫁事舅
姑恩義同父母云何事人親因我爲人婦天合使之
然順逆視所受愛子多愛媳慈愛什八九愛者情之
常不愛事之偶不問慈愛無問我能孝否竭吾事親
心可以占无咎出入敬扶持奉養勤左右祀先肅蘋
蘩燕客潔漿酒服勞本婦職勿厭執箕帚姆妯須和
顏姑叔莫多口持躬務勤儉接物尙寬厚三從徵婦
德百行孝爲首作善天降祥積慶裕爾後又云夫爲

妻之綱妻亦與夫齊敵體均伉儷恩愛兩不疑紅絲
一繫足終身不更移無違著聖訓至順昭坤儀男以
剛爲貴女以柔爲宜雞鳴切戒旦舉案思齊眉肯效
不賢婦琴瑟乖唱隨悍戾與嫉妬不顧衆口嗤常諧
偕老歡匪徇床第私變守栢舟操益堅冰雪姿古來
多淑媛一一垂芳規賢豪克樹立半出內助資翟蒲
荷光寵彤管揚休辭人生寄一世百年有盡期惟留
不朽名萬古恒在茲又云爲孝苦不足爲慈苦有餘
愛而不知勞禽犢之謂與女則課紡績男則課詩書

課女與課男父母心非殊高樓峙平地植基恒於初
孟母切教子斷杼三移居良田不耕耨沃土成荒蕪
勿謂此父職有咎豈在予撫摩過姑息玩好隨嬉娛
飾非代隱疾揚善加虛譽庭內日蒙蔽鄉鄰空嗟吁
是謂賊其子厥罪當何如賢母篤義訓心殫志自舒
熊丸佐苦讀褫戎申芳模上可答宗祖下可光門閭
訓婢示長媳耿氏暨姪女慧芳孫女文瑛等云貴賤
固有異賢愚亦有分若從一律觀詰責徒紛紛此輩
多拙慙任事常畏勤鞭扑直忍受誥誡如不聞厥性

本重濁燕雀非鸞羣簪之樗櫟材匠石費斧斤矜愚
加訓誨赦過策勞勲自然久與化瘠土堪耕耘寒冬
擁漚絮暑月愁饑蟲殘羹與冷炙竈下潛悲辛誰無
父母恩愛之如掌珍家貧兩不活棄置難相親念此
愴我懷彼亦人子身爾曹須體恤慎勿輕怒嗔

當塗吳巖千山縣丞卞琳室誓有青山集巖千工草
書善畫中遭患難轉徙江淮間有西湖梁溪虎邱廣
陵諸集暮年好道得奇疾疾作則右手自運動日夜
作字不休或濡筆書紙上悉成元理疾止不復記憶

凡二年而愈白髮朱顏奕然有丹砂之色遂不復作
詩矣後築室石城清溪間以靜修終清明云而今何
處覓桃源風雨蕭條且閉門春草萋萋歸不得江南
多少未招魂幽居云獨尋幽處結孤茅泉石膏肓疾
未消放鶴啟扉欹醉竹通泉鑿石跨飛橋露香秋老
收蓮種花雨春深課藥苗食罷行吟循澤畔權歌聲
引夕陽潮

古吳董節母莊端人

德芬

知府思嗣母著有晚翠軒

遺稿古風連珠神似文選秋風云嫋嫋度霜空淒淒

入樹中吹黃小山桂翻赤大江楓金屋悲紈扇沙場
捲斷蓬天邊多錦字著意送歸鴻簾影云遠絲疎散
近絲清一桁依依縱復橫怪煞玉鈎鈎不起畫闌干
畔水盈盈聽雨云撐枕微吟夢不成江樓玉笛夜三
更窗紗綠映新蕉葉正好敲詩聽雨聲春日云雨中
花事老風外柳綿多夜雨云樹梢千葉競花穗一燈
昏交城云地有古風歌蟋蟀村當落日嘯於菟山雪
晚行云千里暗雲屯石徑五更疲馬怯金衙

莊端人晚翠軒稿中附母荆氏移居七律云暫向蘭

陵玩物華數椽茅屋托生涯門前春水通千里樓外
晴烟見萬家好夢猛驚城上鼓旅愁偏對雨中花朝
來底事添吟興竹放清陰上碧紗詩甚工整端人有
連珠言母氏才德嘗因隣火延燒房杜母立不行待
媼始出惜未見其詩集

毘陵錢冠之

孟錕號浣青尚書謚文敏維坡女觀察

崔見龍室有浣青詩草集中五七古縱橫排奐直入
唐人之室七律如潼關懷古云潼關天險鬱嵯峨天
外三峯俯大河六國笙歌明月在五陵冠劍夕陽多

時來傑士能捫蝨事去將軍竟倒戈終古九泥憑善
守英雄成敗感如何昆明池懷古云昆明池上夕陽
閒從此旌旗萬里來瀚海名王空繫頸祁連高塚已
成灰徒聞虎旅徵兵急不見龍沙有騎回當日若誅
馮奉世何須烽火悔輪臺詩格亦甚悲壯他如華清
宮云池上鴛鴦憐並宿天邊牛女笑長生蜀中云可
憐衰草沙塲日忍見黃雲白骨堆秦中云細柳營荒
收苜蓿二陵雨過出嶠西畢素溪表姊以圖扇見貽
次韻贈別云雲侵月魄光難掩人去天涯恨莫償

鎮洋畢素溪

汾

號繡佛女史秋帆尚書沅女弟留別

浣青原倡云並向天公乞冷香並依虛幌並迎涼清

緣有分裁詩補別思無端倚畫簷收與羅衾添夢寐

散將瑤砌立風霜雲階月地低徊處肯信流光爾許

長姪女智珠

慧

號蓮汀踏青詞有一樣春風弄顏色

桃花含笑柳含愁句人爭傳誦吳縣張霞城

絢香秋

帆尚書沅側室踏青詞云平原芳草乍芊綿巷陌人

家例禁烟一陣風來聞笑語綠楊樓外有鞦韆

閩中何梅隣

玉瑛

有疏影軒遺草梅隣爲女時侍母

隨兄任番禺尉兄解滇餉卒於途梅隣聞訃恐驚母
因秘而不言託所親歸兄柩詭詞安母奉母歸里集
戚黨謀立兄嗣知滇樞歸有日乃哭以聞母得無恙
鄉里稱孝女焉子鄭松如太守

鵬程

刻其遺稿詠史

諸作頗見特識最兒云殖學精於勤取法貴乎上功
無一息寬志欲千古抗臨渴而掘井及泉烏可望置
身賢豪間男兒何多讓又云六經爲根柢諸史亦藩
籬不知千古事倂倂欲何之源遠流浩瀚膏沃光陸
離有本者如是吾兒知未知還鄉喜晤筠町姊云幾

回緘字問平安執手悲歡訴夜闌雁序五人行乍缺
枕痕一路淚初乾強歡娛母賜先斷設畫登舟力已
殫原注挈眷時謊云兄因目疾乞假令
春先歸恐母老途長痛子情切也今日故園煩
阿姊北堂晨夕勸加餐寄外云儒者治生原急務古
人隨地有師資有學有識小儒啞舌

吳江沈蕙貞

苗綴

年十二卽工吟詠早賦柏舟臨歿

謂弟浣桐曰頃得詩二句病多未得專醫肺瘦盡何
須更論腰遺稿散失詠月華裙云輕薄冰綃六幅寬
空留閒步玉珊珊素娥應是嫌孤寂百道雲華護廣

寒裙以五采間色爲之末句比喻最當

會稽李是庵

因

號龜山女史晚號今生有竹笑軒吟

稿葛微奇側室矢志柏舟藉丹青以自給余見其水
墨花鳥清妍蒼古書法似之詩如長安秋日云高樹
秋聲入夢遲夜來風雨簾涼時季鷹自解歸來好縱
乏鱸魚也繫思鷺嶺尋秋云閒搜怪石秋林晚獨聽
殘鐘曉月遲晚泊云秋水空明千里月荒烟暝鎖萬
重山可謂閨中之鄭虔也

吳縣金德人順

著有傳書樓集夫亡守節後以哭姑

嘔血數升而卒對月漫興云水晶宮外色蒼茫七寶
修成玉宇涼徑欲乘風天上去廣寒深處聽霓裳一
片琉璃碧海橫倚闌偶爾意難平嫦娥縱使貪仙去
肯受人間羈藥名題管夫人畫竹云王孫若解凌霜
節合署鷗波老畫師詞嚴義正郭獨吟堪與後先彷
彿也

吾鄉金雪莊

士珊

雨粟尙書生女兄幼從母讀嘗誦

至竹爐湯沸火初紅句笑曰湯已沸矣火始紅耶真
慧心人語令人頤解長嗜吟詠有紅餘草月夜獨坐

云小閣沉沉玉漏長閒焚螺甲坐黃昏湘簾半捲邀
圓月疎影橫斜識暗香陽春謝端方初到崖州云輕
車遙駐洗兵亭十里蒼烟廓外扁古路半荒毛牧洞
遺聞空記趙公銘畬田米熟椰升小亥市魚歸血網
腥冷落衙齋懸悔外鄉關遙隔五峯青容奇陳靜齋
廣遜教諭次文女諸生何勤良室老將云驚看雙鑠
舊時顏幾度長驅出玉關萬里邊塵風吼甲十年戰
血染刀鏃威名早在窮荒識部曲生從朔漠還書牘
怕逢刀筆吏重攜孤劍斬樓蘭二人下筆皆極老鍊

琴川屈莖湘

疑

有心閒館小草春日雜詠云姊妹花

間姊妹禽花開並蒂鳥同心阿儂自有紅閨侶共譜

松風一曲琴妹夢蟾

敏

有松風閣詩合江亭云晴江

如練雨如絲鼓枻中流任所之忽聽畫眉啼不住合

江亭畔卸帆時可謂閨閣雙丁詩亦颯爽

鄭城莫蘭心農家之女生而明慧工詩有春生白下

金吾夜水汲丹陽玉汝泉遂名其集曰丹白集餘作

不能稱是又有上海沉沙港漁婦潘素春雜感云墜

樓魂返珠還綠記曲人遶豆不紅居然登作者之堂

又有句容綃山農婦賀雙卿者詩詞四六無一不工而從無筆墨得句輒以粉書花葉花朵上蓋恐流傳也夫爲佃戶姑爲乳媪待之甚虐雙卿事之惟謹書海棠葉云離魂附草爲螢火幽恨如冰化水晶書芍藥葉浣溪沙云暖雨無情漏幾絲牧童斜插嫩花枝小田新麥上場時汲水種瓜偏怒早忍烟炊黍又嗔遲日長酸透小腰肢又書玉簪葉望江南云春不見尋過野橋西染夢淡紅欺粉蝶鎖愁濃綠驕黃鷗幽恨莫重提人不見相見是還非拜月有香空惹袖惜

花無淚可沾衣山遠夕陽低書盡花瓣上絕句云柳絮多情已化萍素魂紅怨淡無聲似聞燕子三更語月過花梢又不明西清散記載雙卿德容兼脩惜生鄉僻之間珠埋塵上爲可慨也

安徽和州蔣氏父業縫皮夫業篳篥氏獨通文墨昭關懷古云遺堊復親仇當年氣吐不英雄知父子臣道失春秋山自無今古祠誰定去留不知經此者又白幾人頭簪致老鍊殆天授也

烈婦申屠希光廣東長樂漁戶女善詩詞被豪強某

艷其色使人誣殺其夫欲強娶焉希光佯諾令葬其
夫挾匕首入室刺殺豪強持首祭夫墓畢自刎死有
送兄釣魚海上云生計持竿二十年往來秋望水連
天詩成酒釀臨江廟浪靜燈明過海舡隱隱鳴螺分
港釣閒閒拋纜枕霜眠莫辭一棹風波險平地風波
更可憐奇節清才出於海邊漁戶殊可敬也

莆田吳絳卿

荔仙

貢生陳蔚側室有蘭陂剩稿牡丹

云名花未放覺春遲航海新添四五枝國色由來描
不得世人空自買胭脂春日偶成云深巷賣花新雨

後開門插柳嫩寒初隨園詩話載絳卿本庖人女幼
敏慧有潔癖歸陳二載而亡

正始集載雲南蒙自胡蓀桃生有異秉不食人間烟
火工畫山水筆墨超妙芳年羽化題畫云四圍山色
翠交加竹樹蒙茸一徑斜此去仙源知不遠前溪流
出野桃花廣西崇善李筠仙諸生劉可則室十六而
寡守節八十一年詠竹云亭外漪漪碧幾竿清姿勁
節耐霜寒舞風影作飛鸞勢嘯月音疑老鳳翰自是
主人甘淡泊不勞童子報平安階前那有孫枝秀寫

出淇園獨坐看又有甘肅靖邊潘波玉
明遠眺云登眺情何極催寒起曉風秋生萬山外人老一樓中驛柳微留翠池蓮早墜紅妖氛今未淨笳鼓正從戎波玉爲提督樊勇毅庭室哈密趙明霞諸生王秀亭室有繡餘詩草春閨云雙魚音信隔橫江花外無人自吠尨金屈戌搖風滿戶錦檀槽撥月當窗只容鏡裡形相對却恨燈前影共雙別院按歌聲調苦一般心事未能降此皆生長極邊而詩才浩卓不易多觀

烏程姚元吉

益敬

夏日作遊莊題云人家都在藕花

中枕水窗開面面
簾櫳酷暑時讀之不覺神往
元吉爲進士董醫室著
有芬陀利居小稿

吾別沈振蘭

曉

春日句云草生舊綠羞殘黛花放新

紅憶故枝江寧胡試香詠梅云恰使人心憐舊雨最
開多是隔年枝意似相同而胡較勝試香秋夜云金
燈閃閃映書樓銀蒜沉沉押畫鉤一夜西風吹落葉
波濤都在樹梢頭尤覺真切試香爲諸生秦際雲室
詩人少達多窮故有窮而後工之語不幸閨中亦蹈

此轍如江州許宜娛

權

之飢餐蠟食精神減病卧牛

衣感慨多富貴生前原夢幻文章死後亦虛名武進

湯慕雲太夫人

仲純

之典衣弁及芙蓉帶脫珥還增

翡翠鈿桐城左松石

慕光

之春衣似笋層層褪質券

如書日日翻長洲薛素儀之三句九食吾家事不獨

明朝是禁烟奉天劉氏之歲除不比清明節底事厨

中也禁烟盡牽蘿補屋大都如此

古人詠柳者多矣後人另標名目愈出愈新吳靜香

新柳云有客乍添懷遠恨何人剛動畫眉思長洲吳

咏咳云細雨鶯聲離別路夕陽人影短長亭上虞陳

繡庄

淑旂

初柳云西冷雪後無全翠南陌風前有嫩

黃呂韻玉春柳云十里濃陰青滿岸一隄春水綠蘋

城海鹽徐雪軒

妙清

云紫笛嫩寒催暮雨紅亭小蝶

舞春雲太倉王艷雪

靜儀

云折到長條應感慨呼來

小字記娉婷德清徐德馨云一奩春水眉痕淺二月

東風影影空金匳顧點梅

舍英

云淺深意緒傳詩影

新舊情懷認指痕平湖李重女夏柳云隱現蓮塘還

綽約低徊客路倦駢馳許定生秋柳云畫裏腰肢憐

瘦損鏡中眉，黛減春痕。江甯戴雪心。文蓮云：綠條別

去芳陰。少黃葉飄來，瘦影多張。披陳蘊齋寒柳云：顰得春和眉盡展，旋經秋冷黛全消。俞漱珊冬柳云：無限春愁回首遠，尙餘秋葉向人飛。先慈柳影云：春水倒涵游舫外，夕陽淡寫大隄邊。可謂刻劃殆盡。又見朱曙雲：衰柳云：瘦盡纖腰，幽夢冷不將青眼關蛾眉。則憔悴不勝感慨無限矣。嘉定卽幽谷。白蘭詠柳云：商庚語碎燕差池，攀折愁聞玉笛詞。只有九華春殿裡，人間離別不曾知。高華典麗風致頗佳。按幽谷爲

布衣李贄函室有繡餘草市隱虎邱作雕竹器老而
無子日以吟詠爲樂佳句爲人傳誦者頗多

悼亡之作閨中甚多而山陰商媚生

景蘭

五律一章

最爲冠冕媚生爲明祁忠惠公室忠惠殉國故云公
自垂千古吾猶戀一生君臣原大義兒女亦人情折
檻生前事遺碑死後名存亡雖異路貞白本相成一
氣呵成詞旨正大非後人所能及然亦有至情不可
磨滅者如華亭章玉篴

有湘

之赤繩虛繫三生約紅

淚惟餘兩袖斑最傷薄命分鴛侶猶幸高名占鳳池

無復形容還故國空餘旅櫬返長安不死丹心終化

石餘生青鬢總成霜

按玉篴爲龍眠進士孫振公室振公捷南宮五日卒

金壇

于氏之堂上有人垂白髮膝前若箇繼青氈北方有

藥如鉤吻西域無香爲返魂天台陳蘊璞

奕珍

之愁

臨破鏡蛾眉淡痛檢殘詩血淚垂江蘇姚翠蘿之鳳
去碧梧秋瑟瑟香消繡戶夜漫漫及先慈之可憐兒
女盡童孩短幅褰麻裯體裁燈下依然作歡笑不知
哀處更堪哀沉痛已極讀之酸鼻

頓悟絕頂之人必具夙根故遇事了然雖塵網糾纏

其靈臺方寸間靜中時有慧光發越瞥覺之言時時

流露於詩文不自知其然而然者如元和江惲齋銘

玉聞鐘聲云敲落寒窗月幾櫺機絲一段冷於冰而

今更悟聲聞諦緣覺空來是上乘按惲齋十九而太寡以苦節聞

清之靜坐偶成云一番磨鍊一重關悟到無生心自

閒探得真源何所謂繁枝亂葉盡須刪陽湖莊蓮佩

盤珠之有悟云乍聽鴉啼散曉霜又看樓角挂斜陽

神仙海上垂垂老日月何須恁地忙蓮佩幼卽穎慧

詩多幽隱悽惋之句後得廢疾垂絕復甦語家人曰

余頃見神女數輩抗手相迎云須往侍天后無所苦
也言訖遂卒年才二十五耳病起云依窗蕉葉能分
月入檻花枝礙捲簾對月云蠶角吹低殘夜月明星
搖動一天風卽事云名花著雨低頭放雛燕迎風側
翅飛病中云霜華欲下秋蟲覽節序將來病骨知余
謂此語見於多病人尤覺其妙

吳縣蔣芳佩

蕙

諸生許其漣室有玉樹樓詩集詠瓊

枝曼仙事序云瓊枝曼仙名隸樂籍張獻忠破武昌
獲之令侑酒瓊枝罵曰我雖下賤豈肯從賊因以琵琶

曹奮數遂見殺曼仙曲意承歡陰置鴆酒中伺賊賊
故須先飲乃中壽死詩云狂獠橫噬縱九州機槍星
郎真宰愁劇盜洶洶莫與抗羣黎脂血瀟湘浮楚中
塗炭慘於囚驅人入江江斷流蟲沙猿鶴同時休翻
令志節歸青樓兩鬟窈窕好眉嫵羅綺叢中鬪歌舞
國色還餘國士風陽城下蔡何足數戎幕遭逢凝碧
秋一鬟殺血衅刀頭一鬟婉轉迎賊意深沉智略悲
難酬此時成敗誰爲主千載荊卿心共苦君不見廣
陵一枝風鶴驚紛紛卻走經與撫出關入詠序云余

垂髫時隨先大父宦游大子州吉木薩諸地耳聞目
見詭異殊常惜時方稚弱不能記述今歸吳門瞬將
十載偶一追憶得詩八章聊誌舊游風土若云文獻
足徵則吾豈敢今錄四章火山云烈澤焚山用火攻
千年地脈尙流紅任他絕世孤寒骨到此都應變熱
中白沙河云一望荒寒馬跡深覓鈕愁煞老農心雪
泉百斛沙千斛布穀何如去揀金土鼠云磨牙也似
凍鵝蹲半穴平沙半草根怪爾原非田鼠族不曾具
體便狼吞雪蛆云竟尺腰支六出凝除煩大好滌炎

蒸夏蟲莫便從旁笑笑汝何曾可語冰

昭文吳味梅

守嫻

花影云試看紅紫渾難辨較勝丹

青更有情可謂翻陳出新長女程瓊芝

端秀

春日寄

外云燈餘瘦影三更淡淚點殘痕一枕留次女小芝

端穎

詠菊云花意憐人俱冷淡秋心知我最分明

山東齊河郝秋巖

真

生張醒堂繼室著有碧梧窗

小草蘊香閣詩鈔佳句如示子云襟抱狹宇宙形骸

束闥閣詠硯云惟茲一片石知我萬重心七言夏日

云棋木怡情輸亦得詩惟寫意拙何妨讀史云時來

屠狗亦王佐事去卧龍非將才頗有奇氣

漢軍韓氏自號端靜閒人法梧門祭酒式善母有帶
綠草堂詩集內有雁字十律渾成超脫今錄三章云
辛苦鴿原顧影齊天涯未怕道途迷孤飛斷港偏鋒
出倦掠寒汀一筆低蕭館停雲分舊楊榆關落葉送
新題書空咄咄真何謂往事淒涼雪後泥浥氣沉酣
映夕暝冥冥橫掃五花雲秋潭卧卧龍蛇影晴磧新
增蝌蚪文一畫直同天地老六書何待古今分祇因
上界留真本不許流傳鳥雀羣天與雲霞作剡藤橫

空腕力得風增瀟湘清怨詩千首羅剎晴潮墨一升
小佐鷗波同浩蕩幾時鳳闕許飛騰迷離苦蘚黃昏
蝕細辨碑陰月是燈

萊陽周淑履著有峽猿草家貧苦節教子成名擬古
云軋軋機杼聲漠漠空天雪捺作入中宵十指皆皴
裂積絲豈易成不忍中道絕著此縞素衣怡然歸同
穴與仁和許蘊輝元酒秋闈有感一樣沉痛許詩云

風飄黃葉滿庭飛寂寞深閨晝掩扉鴻雁不傳泉下
信空勞刀尺製寒衣韞輝結縞數月而失所天甘泉

顧六昭瑞麟自號角里畸人亦年少苦節雨中詠荷

花云空濛細雨暗重湖翠蓋紅蕖望有無已辦藕香

殘作粉忍看清淚迸如珠休寧范酌淑滿珠述母云

爭奈壻亡留女在可堪兒死更孫無覽茲苦語悽惻

不堪

丹徒趙凌霄鳳大令陳國華室著有巢雲館詩集筆

致適俊惠陵云江山開勝地將相得賢臣武侯祠云

心期恢漢室策早定隆中食蠡云雙戈嫩玉瑩虛白

半殼凝脂凸硬黃葦斷一燈搖石岸稻花千里憶江

鄉

虞山眉宛仙

兼筠

趙子梁室著有韞玉樓詩草清麗

圓穩巧於發端春雪云窗影似棲雲窗中聲不聞梅
花纔有信昨夜正思君香茗寒冰煮宣爐活火薰遙
憐畫檐際飢雀自紛紛落梅云影亂不可數香來無
處尋古今同此怨天地是何心歷歷樓中笛淒淒壁
上琴一場幽夢醒落月更橫參七言如詠雪云風非
送暖偏吹絮樹不飄香盡著花初度云未甘綠鬢隨
時改辛苦黃花太瘦生題天香嶺影照云本來金粟

原如影何必瑤臺始是仙避暑竹田弟別業云半村
小徑兒家熟一水當門祖屋連自感云身病方知名
是累家貧祇覺事多難消暑云香嫌火氣移花代詩
愛風神倚竹吟綠珠云墜樓肯向君前死不是明珠
買得來白蓮云纖影自臨秋水照白描一幅美人圖
吾鄉袁素文機子才太史收妹有素文女子遺稿所
適非偶大歸侍母一女又啞命之薄抑才之累耶聞
雁云秋高霜氣重孤雁最先鳴響過碧雲冷燈含永
夜清自從憐隻影同是作離聲飛到湘簾下寒衣尙

未成有鳳云有鳳荒山老桐花不復春死還憐弱女
生已作陳人燈影三更夢疊花頃刻身自傷明鏡裡
日日淚痕新寄姑云欲寄姑恩曲盈盈一水長江流
到門口中有淚雙雙偶作云難逢千日酒且煮六班
茶怕引游蜂至不栽香色花妹綺文村有樓居小草
韓思永室諸生執玉母執玉九歲能詩十二歲入學
十五歲秋試後病病危目且瞋忽視母問唐詩舉頭
望明月下句若何母曰低頭思故鄉曰是也一笑而
逝綺文哭以詩云容易芝蘭膝下生一朝緣盡夜三

更阿娘知汝離騷熟苦誦招魂坐到明頃刻書堂變
影堂舉頭明月望如霜傷心擬拍靈床問兒往何鄉
是故鄉悼亡後又遭回祿境遇困厄遂依兄以終從
妹秋卿棠字雲扶狂孟郊室有繡餘吟稿盈書閣遺
草哭素文三姊云諸兄來說淚紛紛無限傷情不忍
聞歸夢難尋他日約招魂空奠隔江雲半生辛苦狂
夫怨中路淒涼弱女分剩有千秋遺稿在清風林下
弔斜曛寄懷夫子云此去輕帆惜暮天小明山碧又
經年照人清影月邊夢映柳碧波池上烟隔歲燕回

嬌似昔人春人病瘦如前催花風雨聲幽咽知我江南有畫舫皆俊逸可誦

吳江汪宜秋玉軫工詩善書所適不偶乃賣文以自

活偶吟云風飄柳絮雨飄花多少新愁上碧紗借問過牆雙蛺蝶春光今在阿誰家其境困厄於此可見

名媛詩話卷四

錢塘沈蕤寶湘佩著 受業德清俞德秀校字

織雲樓合刻爲歸安葉氏姑婦姊妹之作葉聞芷方

伯佩蓀原配同里周皖淵映青有梅笑軒集繼室晉

甯李蘭貞令章有葉香詩草長女淑君令儀有花南

吟謝遺草長婦陳景生婦生有繪聲閣詩稿次媳何

閨霞若瓊有雙煙閣詩草他如附刻之次女淡宜令

嘉三女蘋渚令昭次婦周星薇諸作皆卓犖不羣信

乎家學淵源非尋常淺學者可比梅笑軒集中詠梅

五古四章最爲清麗他如揚州云三千殿脚如雲散
廿四橋頭自月明渡河云初日閃波無定影迴風激
浪有悲聲晚香玉云香在玉奴迴枕後花開月姊破
雲時秋樹云搖落深愁大司馬悲歌今識故將軍藥
香集中讀晉史云蛙鼓官私未足癡屠沽斤兩盡能
知阿翁此座原無恙只怕南風烈烈吹金谷園林化
紫烟銅駝荆棘總淒然自從七尺珊瑚碎引動秋風
蕪菜船裙屐風流宰相功深源夷甫讓從容小兒輩
不能平賊高閣先應東謝公書畫船多壓上流三山

烽火使人愁長星勸汝一杯酒已有真人起荻洲都
門四時景秋云點檻人家齋月兔雕籠懷袖響霜蛩
冬云暖室通宵添石炭官河侵曉走繩牀詠梅云十
年風雪勞相憶萬里江湖見古香讀王孟詩云月中
楊柳詞人去雪後梅花野客閒望岱云金銀氣湧樓
臺壯琴筑聲寒草木秋秦始皇云車載輶轡山有鬼
舟行縹緲海無仙華嶽云下界風雷生半嶺中天日
月駐雙丸又有慰兩兒下第結句云當年蓬矢桑弧
志豈爲科名始讀書不特詩筆超超胸襟亦復不凡

淑君爲諸生錢慎室著有花南吟稿汴梁旅次云戌
樓落日陳橋驛野草寒沙博浪城自吳之浙云地瀕
江山開兩浙天分牛斗屬三吳孤燕云夕陽古塚懷
紅縷疎雨空樓怨白楊歲暮寫懷示兩妹云琴書勸
作經年別井臼慚無卒歲謀淡宜爲舉人沈昌培室
寄姊云病多漸識君臣藥別久愁看姊妹花蘋渚爲
侍講邸庭隆室寄姊云曉月鳴雞驚昔夢夕陽歸雁
感殊方星薇悼鸚鵡云洲邊芳草年年恨渡口琵琶
事事非未必驚鴻同入夢欲銘瘞鶴竟無人

陳端生號秋穀爲吾鄉句山太僕兆崙女孩孫巡撫葉
紹棿室家承有自綿歷雄渾兼而有之春園偶賦云
樓外軟風鶯夢暖籬邊疎雨蝶衣涼詠貓云花徑春
深驚蛺蝶畫廊口午看鸚哥雨餘濕興云晴鵲催殘
梧葉雨乳鶯啼澁杏花風黃陵廟云花深紺殿飛蝴蝶
月冷青山叫杜鵑春曉云柳絮輕烟迷曉幌柳花
細雨綴春衣夜坐云茗椀潤添蘭葉露金鈴低語切
絲風春夜云濕雲壓樹暝烟重淡月入簾花氣微遣
興云半榻好風吹白紵一瓶新水落紅蕖薔薇云香

浮薄霧珠簾外人在春風錦帳中寄蘋渚次云戊
泛梨花酒聽雨寒生杏子羅登岳陽樓云帆來也湧
春潮外人在重樓細雨中汴川舟次云雲外鐘聲梵
口樹雨中燈影渡頭船渡楊子江云濤湧金焦山作
柱地分吳楚海爲屏茅津渡云空山版築餘王佐野
渡挾舟想霸才初夏云沸鼎茶聲甌作雨隔簾花氣
欲生雲

何閩霞筠潭方伯葉紹本室有雙烟閣詩草神似晚
唐浣河道中云滄波萬頃浸琉璃一鏡空明擊楫齊

楊柳搖風葉翡翠，菰蒲響雨起鳬鷖。
千家白板臨漁浦，十里紅橋隱畫隄。
絕似江南烟景好，垂虹亭北武昌西。

長洲李晨蘭

佩金

滄雲府丞女孫，諸生何仙帆室。

蘭有生香館詩詞集，詠秋雁有千里歸心，隨月遠一年愁思入秋多入世豈容增繳，避就人終覺羽毛輕之句，爲人傳誦。稱秋雁詩人生香館詞律最細，深情雅韻，足可與漱玉抗手。如露華詠殘月云：星疎雲斂，正蓮漏將殘，樹影低轉。忽逗惺忪，依舊一痕秋淺。憐

渠那忍先眠夜夜照人清減還知否眉梢恨多偏是
儂見小庭暑褪執扇便誤拜深深香裊心象爭奈一
回憔悴一回長歎剩得閒愁掛在寶簾銀蒜羅衣冷
花魂和夢黯黯沁園春秋夜病中書感云清夜迴腸
百緒紛紜淒然淚零覺天涯離恨癡魂黯黯宵深肺
病短夢惺惺霜葉辭枝寒蟬咽露粉月玲瓏上綺櫺
孤光冷偏照人庭院別樣分明屏山瘦影玲瓏見背
壁殘燈死復醒嘆身如年歷暗知淒節心同刻漏記
盡長更生小工愁從來等哭何況而今寥落情無悰

極倩喘絲半縷扶住黃昏金縷曲寒夜同楊蕊淵話
舊云蕭瑟閒庭院掩文窗薄寒料峭暗燈剪縱道宵
長遠滌承比似閒愁還短化萬縷縈纏如繭款約
輕魂隨夢去遠天涯不怕風吹斷簷鐸話又驚轉一
九冷魄霜華滿算年年照人如鏡幾般淒怨惆悵家
園心縹緲多少海思霞念恐此日遂成虛願可惜江
南花月好到春來空付鶯和燕歸路杳碧雲遠前調
仲春四日寄林風姊松江云斗室青燈夕釀花天濃
陰如墨韶華堪惜何事春來秋又去絮亂蓬飄無跡

回首處烟波遙隔蝴蝶不來香夢杳照儂愁一線鸞
彎魄疎花溜篆香熄愁多翻道心兒窄洗殘粧淚珠
鏡汐柔腸暗織花氣迷離春影瘦懷抱離情千疊檢
那般愁心寫出悄囑東風飛燕子寄相思來往傳佳
什須鄭重春消息采桑子冬夜書懷云玉梅花下凝
情望碧海青天十二闌干風露人間一樣寒含愁悄
對姮娥說纔見團圓藥早又彎環那得清光夜夜圓賣
花聲云眉影控簾訂花補苔痕滿身香霧嫩寒侵怨
入杜鵑聲裏血獨自愁吟玉笛咽離情草長紅心月

鉤空弔美人魂憐爾爲花猶薄命何況儂今一半兒
詞秋閨云涓涓涼露下高梧螢火星星逗綺疎蛩繞
秋聲伴讀書撼庭除一半兒風聲一半兒雨

吳中十子詩鈔者張滋蘭允滋與張紫蘩芳陸素窗

瑛李婉兮嫩席蘭枝蕙文朱翠娟宗淑江碧岑珠沈

蕙孫纓尤寄湘澹仙沈皎如持玉結清溪吟社號吳

中十子姬美西令集中詩詞文賦俱佳洵可傳也張

滋蘭號清溪別號桃花仙子諸生任兆麟室幼受業

於徐香溪女史之門工詩文善寫墨梅于歸後偕隱

林屋山中琴瑟倡和詩學益進有潮生閣吟稿秋後
懷心田夫子云雨霽銀燈夕織雲入暮天芙蓉還寂
寞秋水自嬋娟寒雁聲疑斷虛窗夜不眠思君在高
閣清夜撫冰絃

張紫蘩號月樓舉人曾景女州同夏清河室有兩面
樓偶存稿姊桂森編著有別雁吟草紫蘩秋夜懷寂

居禪友云樓空秋思迴覩眺獨蕭森月境閒靈覺霜
鐘警道心可憐黃葉落無奈白雲深想得安禪處天
花正滿林楊花和碧雲玉妹作云柳絮飛來風片斜

牽人魂夢散梨花。沒烟明月迷隋苑。玉燕珠簾憶謝
家。鶯舌好翻新樂府。蛾眉新却舊韶華。綿綿欲斷渾
難斷。萬縷離情怨暮笳。

陸素窗貢生羅康濟室有賞奇樓草廬餘稿十愁吟
云殘照西風碧樹秋。行雲望斷楚江樓。不知何處吹
橫竹。喚起新愁與舊愁。及五噫歌斷牛衣泣。今古才
人一樣愁。素窗工填詞得元宋人神韻。余曾錄尤者
數闕。今稿失去。殊覺悵然。

席蘭枝號芸枝。知縣紹元女。有采香樓詩草。自怡集。

杜陵草堂云萬里橋邊結伴遊草堂景物倍清幽斜
陽衰草成荒徑老樹寒鴉變暮秋潦到半生悲患難
文章千古擅風流先生遺址誰題句愧弔重教旅客
愁佳句如楊柳曉風人別後杏花微雨燕來初青山
城郭斜陽外黃葉人家細雨中元人佳境不能過此
尤寄湘字素蘭有曉春閣集讀武侯傳云經世推王
佐伊周共瘁勤君才能一統天意定三分飲血承遺
詔攻心靜微氛英雄終古恨灑淚出師文一氣呵成
格韻蒼老

沈皎如號佩之有停雲閣稿皎如父母無子事親以
孝稱落花和江碧岑姊韻云箇裏誰家怨吹來總斷
腸六朝春夢短終古別愁長天地老烟景江山空夕
陽尋芳歸路晚贏得馬蹄香筆亦遺秀

甘泉江碧岑

珠

自號小維摩諸生吾學海室有青藜

閣詩鈔自序中有生世不諧痴頑彌甚窮年痼疾匿
影於寒衾終日坐愁藏身乎針孔孰云酒可忘憂不
信犀能觸念中懷悲愴莫敢告人滿腹牢騷誰堪共
語茹齋繡佛徒懺他生附贅懸疣其如今日寸心鬱

鬱何能容萬斛之愁。弱骨蕭蕭焉可羅百千之病。遣興云甘來蔗尾甜終薄。香到梅花味亦酸。病中云喻身敗葉應知幻。食字痴蟬信可仙。絕句如讀顏宛在遺詩云謝娘嬌小病來慵。咄咄生涯落落胸。顧我習忘禪。有力不妨蒙眼坐。針鋒三生錯繆香。難知風劈遮心恨。吐絲造物疾人知。有種文章終古吝。蛾眉張桂森。蘊感懷云唧唧蟲聲亂雁聲。風吹鐵馬戰愁城。怪他永叔三秋賦。不賦深閨別後情。二人悲從中來同一酸楚也。

長洲朱翠娟

宗淑

字德音諸生雲驪女有修竹廬吟

稿集中朱烈婦行最佳月夜聞笛懷清溪云天寒露
重不勝情遙夜披衣坐月明何處樓中還美笛落梅
如雪滿江城與吳縣李婉令嫩秋夕之作相似而風
神稍遜婉令秋夕云十二層樓夜月明美人簾底坐
吹笙芙蓉露冷秋衣薄翻到霓裳第幾聲婉令爲諸
生陸景室有琴好樓集

沈蕙孫號散花女史教授起鳳女諸生林衍潮室有
繡餘集翡翠樓詩文集蕙孫善洞簫製有簫譜阻風

黃浦和夢韓韻云帆影落波光迢迢水一方潮聲飛
雨白風色挾沙黃海日生蓬島江離裊楚裳騷人無
限意高詠獨蒼涼題二喬觀兵書圖云舳艫焚盡伏
東風應借奇謀閨中曾把韜鈴問夫婿誰言兒女
不英雄陰符偷讀妨描黛繡帙雙閒見唾絨一十三
篇勞指授幃幘餘烈本吳宮蕙孫有聽殘紅雨到清
明之句膾炙人口咸稱紅雨詩人著浣紗詞秀逸無
比送春云梨花春雪杏花春雨畢竟春歸何處問春
春不語

吾鄉孫碧梧

雲鳳

春巖廉訪嘉樂女詩筆蒼老爲隨

園弟子之翹楚巫峽道中云蜀門西望處正是上青
天路出重雲外人來夕照邊秋風三峽水暮雨百蠻
烟丞相空祠在千秋一黯然秋江木葉下客子獨徘徊
洞瘴起濃雲合灘鳴驟雨來淒涼庾信賦寂寞楚王
臺俯仰乾坤裏悲歌亦壯哉漢陽云平帆雲夢雨一
片洞庭波道中云晚風牛背笛殘雨馬頭雲又出峽
七絕云兩岸啼猿厭客聞西風霜葉曉紛紛櫓聲一
夜出巫峽十二碧峰空白雲不減唐人碧梧妹蘭友

雲鶴

詩格不讓乃姊可稱閨閣二難送伯兄東歸云
登高兼送遠客淚一沾裳歸棹隨流水鄉心帶夕陽
秋高山落木風急雁分行叢菊何情緒籬邊依舊黃
旅樓云旅樓高不極過客足徘徊暮色隨烟起春寒
逼雨來壯心尊酒在鄉思嶺猿哀目斷巴陵路衡陽
雁獨回

余見詠螢佳句如思栢之平池映處天流火團扇招
來月帶星爲之歎絕平望吳珊瑚

瓊仙

亦有月黑移

來星一點風高扶上閣三層之句雖遜於思栢頗得

其神珊瑚有寫韻樓詩草寄妹云有妹清才好別來
今幾時最憐身瘦削不改性嬌癡嫩碧翻鸞脰湖新名
紅繞畫眉橋名遙知修禊日懷我定裁詩題花天月地
册云三分纖月影一樹小桃花對月云蒨寒如此春
三月殘夜分明水一簾

吳縣席韻芬

佩蘭

字道華一號浣雲庶吉士孫源湘

室有長真閣詩鈔白蓮云鑑爾亭亭影波中一片霜
潔連根盡玉清到葉俱香殘月墮微白野風生嫩涼
須知蓮界淨才好坐空王送外入都云風生有句憑

誰賞寒暖無人要自知喜外歸云指上正輪歸路日
耳邊已聽到門聲余愛其十四夜月結句云萬事將
圓未圓好此情說與素娥聽刻劃無痕亦復新穎

吳門金纖纖逸諸生陳竹士基室有瘦吟樓詩草月

夜云積水一庭白梨花寒不寒東風扶病起徧繞雕

闌干烟明苔積暈露重林生潤羅袂薄如此抱琴時

一彈中秋雨後見月云秋雨洗秋苔秋城二鼓纔碧

雲捲地盡明月上天來風定孤烟直蛩寒玉漏催素

娥好酌汝莫負桂花杯閨中雜詠云坐愁燒燭到深

更雨點疏疏風又生不信鴛鴦禁得慣一池荷葉縱
秋聲病中次韻云二分春教鸚哥惜一縷寒先燕子
知及世上有情春似夢病來無睡夜如年詩極輕清
惜不永年

華亭張清河

玉珍

看蠶詞云陰陰村落養花天浴種

歸來穀雨前記得去年春較暖早蠶此際已初眠聞
聽食葉最關情彷彿詩人下筆聲懊惱鵲偏喚雨
箇儂心事要春晴隨手寫來不粘不脫

烈婦陳蕙卿

淑蘭

爲庠生鄧宗洛之室鄧溺死蕙卿

隔信自經而亡余閱其稿中有病體支持倚竹牀未
甘同夢媿鴛鴦多君自捲青袍袖手拂雲鬢代理妝
其平日伉儷之篤亦可想見

句容駱佩香

綺蘭

號秋亭龔世治室有聽秋軒詩草

佩香早寡無子課螟蛉女以自遣有秋燈課女圖登
木末樓云載酒獨登樓凭闌四望收江光初過雨山
意欲成秋霸業隨流水孤城起暮愁微茫烟樹外帆
影落瓜州登天平山憇白雲菴云身在雲中不見雲
登臨忘却日將曛回頭欲辨來時路只有泉聲隔樹

聞頗有悟境

嘉興戴瑤珍

蘭英

袁恩母著有瑞珍詩草春日雜興

云得句怕忘隨手寫消閒無計借書抄三語妙甚

京師寓居偈窄圖書卷軸與箱籠雜貯室內偶讀山
陰王梅卿之縱橫書卷難容鏡羅列牙鐱半近牀及
吾鄉袁綺文之爲尋古集書抽亂多繡繁枝綠放長
眼前語拈出竟成絕唱梅卿名倩字雅三諸生陳某
繼至與纖纖後先媲美

蘭陵胡芳卿

錦

性敏捷一題輒數十首年十七卒有

繡書樓詩草湘潭舟中卽事云有情天地詩中拓無
象風雲筆底生靈均定有懷沙恨帝子偏多鼓瑟愁
雨泊云雲影亂垂天襯碧燈光倒射水搖紅抵馬公
岸云洞口雲騰龍帶雨巖頭霧起豹添斑味其詩筆
蒼老不類天折者吳江姚樓霞有剪春集寄懷鄰姊
云秋老江關木落初登樓凝望渺愁余遙峯雨洗螺
痕淡只恐愁眉更不如黃梅云晴還疑雨昏昏過天
亦如人黯黯愁語意不祥卒年亦十七歿後父岱摘
其集中燕剪剪春愁不斷翻含愁入小窗來句名集

吾鄉方正齋

芳珮

巡撫

汪新室有在璞堂詩稿山居

云市遠山深興自饒
故緣聊得避塵囂
閒分鳥跡疊
花徑曲引流泉種藥
荒戶外何知有雞犬
閨中亦復
樂簞瓢
幽窗喜與秋江近
欹枕長聽上下潮
竹陰云
午陰輕轉碧琅玕
筠粉飄香露不乾
坐久漸知衣袂
冷一庭秋氣逼人寒
五言如淨慈寺云
松瘦龍鱗古
苔深鳥跡明
行雲飛不盡
涼葉落無聲
題春蓬聽雨
圖云
潮迴兩岸白烟歛
萬山青
清明遇雨云
雨消紅
杏火烟鎖綠陽痕
七言如送叔父之間中云
七里定

經嚴子瀕片帆先趁伍胥潮與坤元表妹話舊云梅
花半白開晴崦楊柳微黃隔畫樓湖中暮泛云烟迷
山失浮屠影風緊帆歸盡飲僧山行書所見云田因
晴久龜紋拆樹爲陰多鳥語和夏日偶病云半窗花
影慵欹枕一院松風靜掩帷春興云寒侵楊柳三更
月春盡桃花一夜風池塘有夢因芳草庭院無人盡
落花春寒云嬌鸞學語聲全澁稚柳含愁夢未闌哭
翁霽堂先生云四海長留知己感一生祇有愛才忙
白石榴云自詡託根同玉蕊故教結實盡珠璣秋桑

云黃蝶飛來梯影寂紅蠶夢斷剪刀閒或云在璞堂
詩初集最佳續集次之再續集則老手頽唐性靈盡
失矣余謂此係境使然耳當其在室時雖簞食瓢飲
依父母膝下天倫之中自有至樂且得一意操觚出
筆自然和雅迨于歸後米鹽凌雜兒女牽纏富貴貧
賤不免分心卽牙籤堆案無從專講矣吾輩皆蹈此
轍讀在璞堂詩集不覺感慨係之

山陰胡玉亭

慎容

別號卧雲子諸生馮烜室有紅鶴

山莊詩鈔超曠凌空五言如雲海云霞氣昏潮影風

聲壯海潮出峽云雁影風中斷人聲水上還病中云
扶行驚地軟倚卧覺頭空歸猿洞云白雲橫古意明
月老禪心七言如題望江樓云蘆葉捲風聲似雨浪
花翻雪色如煙瀑布云翠巒珠濺銀河動蒼壁雲噴
雪浪浮答許素心云竹幹已高門裡節原注素心梨
一字竹軒
花空幻夢中雲送蔣太夫人云儂無進性超凡骨君
有慈雲大士風姊采蘋慎儀號石蘭又號鑑湖散人
駱炬室石蘭早寡撫孤子未幾子卒家益落乃爲閨
塾師厯四十年受業女弟子前後二十餘人多以詩

名有石蘭詩鈔詩多淒楚之音嶺南道中云五櫬十
三人艱危仗此身經年淚洗面百感痛傷神塞北無
茅屋燕南有老親如何千樹雪不是昔時春歲暮感
懷云歲暮催寒景淒然自掩扉眼花看字小身瘦覺
衣肥異地人情薄家鄉魚雁稀一心無著處空復憶
庭闈女馮唐之思慧爲侍郎劉秉之室唐之本玉亭
女幼繙石蘭遂從馮姓著有繡餘草秋江晚眺云夜
泊秋江上西風凜客槎野蘆棲旅雁衰柳噪寒鴉白
浪新翻月青山遠帶霞渡頭漁唱晚烟水渺無涯妹

駱思敏玉亭次女秋山瀑布云橫空百丈銀河瀉挂
壁千尋雪浪浮皆有詩名

仁和杭清之澄號筠圃編修世駿妹趙萬景室境邇

坎坷晚年患拘攣之疾孤苦無依與方正齋爲金蘭
友時存恤焉又序其遺稿刊之且稱其艱窘中營葬
舅姑以上三代入棺蓋生平備歷勞苦拮据詩筆酸
辛境使然耳五十悲吟云十載傷心淚何曾一日乾
老深無後痛貧覺立孤難寂寂墓門草深深曾井闌
此身原已死休作未亡看春雨云柳絮柔條能畫樓

梅霏輕雪上簾鉤。細風吹作絲絲雨。織就深閨一片
愁。曉起見梅開。云牆角數株催曉放。水邊一樹冒寒
開。分明雪在枝頭兒。不辨香從何處來。清之古風最
有魄力。老婢守貞不嫁。年七十餘。清之作女貞木歌
紀之。

長洲曹墨琴

貞秀

教諭王芑孫室。有寫韻軒集。墨琴

以書名噪於當代。所臨十三行石刻。士林推重。而詩
筆亦甚高超。集中如從妹瓊娟未婚守志。勵節甚高。
寄詩言志。並見懷之作答之云。幾年消息渺天涯。不

道泰簫換魯髻黃鵠浩歌傳白雪紫鸞孤舞爛紅霞
湘筠有淚多成節古栢留春不在花千里裁詩寄珍
重相思聊當折疏麻

三山許素心

德瑗

以苦節聞於當世有疏影樓集方

芷齋隨任之閩耳名往訪詩篇倡和時有餽遺素心
愛寫梅菊晚年窘甚售詩畫以自給歿後芷齋序其
遺稿而梓之其投芷齋詩有干仞龍門非易到布裙
來拜衛夫人芷齋之居貴不驕獎才若命亦可敬也
又有題畫贈芷齋云冷淡生涯二十年枝枝葉葉鎖

寒烟與君載去西湖畔記取愁人閩海邊

丹徒鮑蒞香

之蕙

同知張舫室有清娛閣詩鈔隔院

梨花云吹氣銀雲渾似夢飄殘玉雨寂無聲自題烟
波共泛圖云疎慵性癖輕鐘鼎山水緣深重別離攔
李道中云漾水霞如金鯉赤飽風帆似玉驄驕烟雨
樓云近海樓臺疑蜃市蕩舟兒女愛鴛湖游華山云
踏殘黃葉剛逢寺飛盡白雲纔見僧過江上諸道院
看牡丹云花壓一欄酣酒豔樓高三面受江多登北
固山云爽把樓臺千嶂合勢吞吳楚一江分皆可誦

也茅蕊仙題清娛閣云秘書筆硯偏傳妹賦若才華

不讓兄苙香爲海州徵士皋女雅堂郎中之鐘妹姊

晚芳

之蘭

妹佩芳

之芳

俱擅才華晚芳爲連判何澧

室有起雲閣詩鈔和論山兄城樓寫望原韻云古堞

依川迴蕭辰一倚樓市聲臨暮渺江影抱城流綠樹

將軍寨烏遶釣客舟多情惟宋玉搖筆賦清秋鱗魚

云一江腥雨長潮天雪白銀鱗出網鮮大府嘗新爭

早得南風五兩送冰船佩芳詠簾鉤云分明擘破玉

連環釵股還敲玳瑁繡有意參差邀半面無心舒卷

任雙鬟空閨似擲流黃速隔院頻窺屈戍閒不鎖芳
春偏鎖恨一聲驚恐隔蓬山清逸可喜

善化王瑤窗

瑀

以貞孝聞瑤窗本蘇州西洞庭人父

吉人遷善化母氏早卒兄遊幕閩中家故貧瑤窗與
妹綺窗留養其父不嫁垂二十年父病瘋又十餘年
始卒二女布衣疏食終身不改兄卒於閩嫂陳氏矢
志撫孤二女助之教養至成立瑤窗居一室終日不
言笑外人罕見其面嘉慶癸亥卒妹綺窗

文羽

工畫

墨竹因號竹居善書能賦名亞乃姊瑤窗題野菊云

野性天然爛漫開和烟和雨映荒苔自甘冷落秋風
裏免向東籬月下栽綺窗詠落葉云孤飛半逐疎鐘
度成陣還同驟雨過落花云洗盡鉛華三月雨銷磨
紅粉五更風春柳云絲繁曉雨全垂地紫萸晴烟半
舞空秋柳云林疎已露全溪月影瘦難遮夕照樓俱
有蕭閒之致

荆溪黃香水

蘭雪

秋病云吟情蕭淡久無詩日上簾

鉤任細絲欲寄故園書一紙碧雲迢遞雁來遲姪婦
昆陵呂靜閒

淑

秋夜云寒燈香夢淺新月碧窗虛姪

女伍麗卿蘊芬佩釵湘君皆工詩麗卿窗前云六窗

風定畫簾閒滿地花陰寫綠苔疑雨疑塵春過半一
雙蝴蝶隔牆來佩霞十二歲爲寫梅詩云玲瓏花影
好小坐晴窗香照眼還同雪枝枝借月光筆皆清婉
按香水爲諸生伍陽燦母

香水蘇臺柳枝詞極清脆可愛詩云少女風微次第
吹姑蘇驛畔碧垂垂望中恰喜黃昏月一線蛾眉映
柳眉一種驚黃拂綠波飛花如雪水如羅吳娃柔櫓
蕩舟去愛唱鸞鸞月子歌

仁和孫茗玉

燕意

號秀芬貢生高潁樓第室觀察高

枚母十歲能詩著有貽硯齋詩稿行世集中詠夕陽
有流水杳然去亂山相對愁一聯最爲洪稚存先生
所稱賞者全集亦卓犖不羣美不勝指丁仙閣云野
鶴去不返空山留至今我來尋往跡曲徑快登臨松
栢荒祠冷烟霞古洞深神仙那可作倚樹一長吟登
鳳凰山云鳳凰形勝鬱嵯峨俯仰乾坤一浩歌遠浦
潮迴寒雁下空山秋老夕陽多銅駝寂寞埋荊棘故
殿荒涼鎖薜蘿日暮凭高重回首千年王氣已銷磨

五言佳句如飛來峯云秋高山露骨石瘦樹盤筋冷
泉亭云觸石水如怒破空山欲飛暮歸云夕陽明古
驛新綠擁孤村雨晴山翠活風暖燕巢乾七言如夜
坐云滿空明月白於冰一樹老梅寒有香遣興云春
風淺水桃花發斜日疎簾燕子回玫瑰花云甜香旖
旎偏宜蝶紫玉嬌癡最惜人

長沙羅芸閣

淑芳

著有效顰草送父遊粵西云鬢白

未消兒女債年豐猶作稻梁謀晚眺云江上櫓搖秋
色裏人家門閉水聲中春日感懷云楊柳葉深寒食

雨蕙蘭花委夕陽烟落葉云空憐風冷吳江水留得
烟藏處士家年豐句寫貧士生涯入神

錫山鄒蕊珠

蕙貞

知縣鳴鶴姪女諸生溫容城室有

慎餘齋剩稿識高氣爽清絕纖塵詠伍子胥云美人
一笑君王喜君王一怒大夫死抉目東門望越師前
東恨不重鞭屍寄語大夫勿怨毒恐教怨毒闖閭知
夫差誰立誰誰薦九泉那不更相見宋太祖云香孩
兒生雀兒死黃袍檢點作天子趙家太后笑口開吾
兒大志素如此咄嗟太后笑何爲寡婦孤兒慎勿欺

不見匡山一塊肉前人歡笑後人悲金陵懷古之二
云十四妝樓鎖寂寥風華誰與續南橋板橋烟雨蕭
疏柳畫舫春波上下湖名士舊邀桓子笛美人近憶
嫩兒簫多情留得當時月令照清溪碧未銷秋雁送
烏堂兄北行云鐵笛何人倚戍樓一聲吹破碧天秋
雪泥了了尋前跡烟樹茫茫動遠愁獨夜易驚湖海
夢他剗多爲稻梁謀浮生自此工飄泊穩卧閒汀讓
白鷗庭陰漠漠晝平除料峭寒生落照餘錦字已緘
孤露恨銀箋早寄大雷書高齋客去琴牀靜別浦人

歸水榭虛二十五絃彈不得玉徽清怨更何如題畫
云小樓四面綠雲遮一剪春風透碧紗京雪滿山香
似海月明何處認梅花題南浦圖云日易斜暉雨易
昏天涯底事問王孫請看一碧東風裏春草春波總
斷魂

文人筆墨皆喜廻護同類亦自古身分閨閣亦然如

吳縣鄒朗岑

潯

讀漢書云信史偏從女弟成漢家中

惻擅才名等閒莫笑裙釵侶一代人才待品評吾鄉
戴衣仙讀明史云三傑孤危八虎強對山能不救三

楊攤書更讀婁妃傳一曲淒清片石荒養士恩深三
百年國殤能得幾人賢紅顏力弱能誅賊長向思陵
泣杜鵑陽湖劉撰芳詠昭君云琵琶一曲總堪哀環
珮何嘗夜月回春草有靈青作塚幾曾生向李陵臺
吾鄉顧螺峯詔詠昭君云紫臺人去最銷魂冷抱琵琶
出玉門太息麒麟閣上漢家諸將也承恩尤覺
冷峭螺峯家貧早寡藉丹青爲生計

長白納蘭氏有繡餘吟稿詠四皓云商山四皓復何
求羽翼空爲老雉謀產祿尙存如意死只成安呂未

安劉孟嘗君云幸舍空存說好賢畫堂食客滿三千
雞鳴狗盜皆能用只少高人魯仲連昭文吳定生靜
爲項肇基室著有飲冰集詠史云不學何須詆霍光
託孤寄命報君王匡張孔馬多經術青史於今若箇
芳更有名儒莽大夫紫陽書法勝南孤當年奇字人
爭問曾識綱常二字無滿洲瓜爾佳氏自號吟香主
人讀漢書偶題云鴻溝割據各東西楚漢爭雄震鼓
驚試聽劉家大風曲何如垓下泣虞兮不聽蒯通言
至此龍門妙筆表純臣淮陰功業空千古生死偏由

兩婦人長洲吳冰仙綉號素公通判水蒼女巡道許
瑤室著有嘯雪菴詩鈔詠古云公子翩翩信絕倫擬
將豪舉却狂秦不知賓客成何用枉煞樓頭斬美人
亦皆言近旨遠詞直意曲者

平湖張含珍

鳳

別號蕪陵女史高蘭會室有讀盡樓

集各體皆佳

擬王摩詰渭川田家云落日淡餘輝迢

遙望林麓指點竹籬中時露幾間屋
耒板喧前村倉庚催布穀收笛牛背橫
桑葉牆頭綠對此忘世情脩然愜所欲
成山觀海云巖巒一帶明殘陽林花掩映

春風香籃輿得得忘路長九峰遙嶂波注洋成山岨
崒臨中央振衣直上登高岡海天渺渺雲水黃陡然
突起濤頭狂海風吹水勢莫當憑空壁立千丈強馮
夷擊鼓魚龍翔銀樓十二隨飛揚仰觀俯矚何茫茫
須臾捧出玻璃光白波萬頃搖扶桑蜃樓蛟室爭輝
煌潮平忽見遙山蒼數峯若與船低昂吁嗟乎潮汐
往來那可測安得假我凌風翼飛向瀛洲問消息明
唐解元作花月吟戲效其體云花滿園林月滿池花
晨月夕每相隨看花月下宜春早玩月花間得句遲

小院月明花弄影空庭花落月橫枝絕憐花月無邊
景正是烟花三月時評花弄月悟前身卧月吞花意
轉親濃露繁花迷月色曉風殘月得花神花開月夜
月爭潔月到花階花倍新自笑年來花月癖花爲四
壁月爲賓

平湖張蘭君

寶珊

舉人湘任女諸生沈嗣昭室春陰

云牆角溟濛徧綠陰斷無人處畫廊深掠殘香絮看
雙燕唳破春愁聽一禽芳草青搖烟漠漠落花紅壓
書沉沉闌干幾曲不恩密料峭輕寒夢裏侵妹子瓊

文珊
貢生謝沂室詠王嬙云雁門關冷月明中環珮
翩然氣自雄絕塞琵琶新樂府長門團扇舊秋風但
將辛苦酬天子敢爲飄零怨畫工家國安危兒女淚
漢庭奇策是和戎詠王嬙之作甚多惟此首有溫柔
敦厚之旨

崑山陳淇園

治筠

詠筆云自拜中書令斯文獨在茲

管裝青鏤巧毫吐綠沉奇五色才人夢雙彎少婦眉
惟君能領取此外有誰知工麗非常咏物妙手

婁縣陳髻儒

敬

諸生周忠所室有山舟初蘭草髻儒

嘗輯古今名媛考畧裒然成帙未竟業而卒游山寺
示侍兒云輝煌金碧寶蓮臺每占溪山勝處開儂自
耽幽爲泉石上山原不拜如來余性不佞佛讀此覺
有同情

仁和蘇梅友

芬

教諭許大綸室詠懷云逝水韶華又

幾句綺窗贏得兩閒身移花自是關心事覓句生憎
敗意人春夢無憑成一笑世情提起卽長顰與君且
進杯中物坐待西軒月色新讀覓句七字人人意中
欲道者

吳縣錢凝香

蕙

通判珍南女貢生徐熾室有蘭餘小

草凝香能以髮代絲繡古佛大士像及宮裝美人不
減龍眠白描吳山別墅漫成云竹籬三徑遠塵氛澗
柳垂垂挂夕曛詩思閒中多健句蘭芽午後發清芬
窗臨青嶂留寒月路繞丹崖入亂雲山野不知名利
事笑人車馬自紛紛

歙縣汪吟香

玉英

初菴郎中啟淑女中書洪榜室有

吟香榭初稿瑞芝堂詩鈔吟香詩才清麗佳句如一
縷沉烟消永晝半簾花影漾微風晴日烘梅香意透

春風拂水碧紋圓一聲遠雁羈人思數點青山故國

心石松少土偏饒翠盆藕無花却有香

姑蘇王緝仙

碧珠

詠紅梅云修竹斷霞三徑曉空山

香雪一枝溫同伴朱寶才

意珠

詠黃梅云天寒祇合

藏金屋心淡誰知托玉壺皆能刻劃一珠爲汪初菴

郎中啟淑側室初菴選閩秀擷芳集一珠分任校讎

故所學日進太倉胡曉芳

佩蘭

亦初菴側室有國香

樓詩鈔腕芳工畫蘭竹兼精聲律寄主人云珍簾生

涼感別愁閒聽風竹滿庭秋惟應團扇情相似空對

山樓月一鉤春日云柳深鶯語巧簾捲燕飛輕獨坐
云快雨驅殘暑清風送晚涼